

申之天文道忠尙良元季尙等朝臣申重暈之由家氏申交暈之旨晴繼申白虹貫日之由云云大藏卿引後漢書文假郎顛之詞暈即虹也大略白虹旨委細勘之大外記者暈虹先例本文勘進許也 十五日乙酉司天輩依召皆參二月十一日天變事被下京都勘文各可申存知旨之由被仰出維範泰貞晴賢等一同申重暈之由師員朝臣申云晴繼朝臣勘文載白虹之旨尤甘心本文分明也云云 十月廿日丙辰午刻陰陽師廣經參御所今日巳刻日有兩珥之由申之作進繪圖兵庫頭爲申次持參御前云云 廿一日丁巳昨日廣經注進變異事被問司天輩維範朝臣申云暈虹若日月蝕之時於令出現者以其次可勘申也以珥斗及奏聞事於京都未覺悟之云云

〔吾妻鏡 四十二〕建長四年十二月十六日丙寅辰刻日南北西有珥六尺去之皆在西色青赤白之由司天等申之云云

〔園太曆〕貞和五年閏六月五日傳聞此間有三星合云々可尋

天變密奏案文相尋寮頭親宣朝臣續之去六月廿六日丙戌曉寅時太白歲星辰三星相犯太白與歲星相

距二尺四寸所太白與辰星相去一尺五寸所歲星與辰星相去二尺七寸所

二十八日曉月太白歲星辰四曜相合在井度

天文要錄云歲星與太白合飢爲疾內亂又云太白與歲星合于一舍其國失地又云太白與歲星相犯其國有兵又云太白犯歲星天下盜賊多又云太白犯歲星有女主病又云辰星與太白合天下兵大戰又云辰星與太白相犯其國有擾又云太白與辰星合其國將軍失地其天下失位又云太白與辰星鬪必有大戰又云辰星守太白其邦主人慎之又云歲星與辰星此下恐有脫字其國內亂貴人死又云歲星犯辰星其國君失位又云辰星與歲星合逆臣不順誅逐又云辰星與歲星合其國戰將軍慎又云太白與月相合宿其國立太子女主慎又云太白犯月天子有慎又云歲星與月同宿其國君有慎又云月犯歲星人民多死王侯謀其君又云月犯辰星其國有擾兵起又云月與辰星合其國亡地貴女死又云月犯